



Post	Comhordaitheoir an Chláir Ghlais & Speisialtóir ar Shábháilteacht Bia (HEO)
Conradh	Lánaimseartha; Conradh Sainchuspóra (Clúdach Máthreachais)
Grúpa Seirbhíse	Seirbhísí Teicniúla Bia Mara
Áit	Ceannoifig BIM, Dún Laoghaire, Co. Bhaile Átha Cliath.

Cur síos gairid ar BIM:

Is comhlacht leathstáit neamhthráchtála é BIM a bunaíodh go foirmiúil faoi reacht (An tAcht lascaigh Mhara, 1952). Is é BIM gníomhaireacht Stáit na hÉireann a bhfuil freagracht air as tionscal bia mara na hÉireann a fhorbairt.

Tá sé d'aidhm ag straitéis BIM feabhas a chur ar iomaíochas earnáil bia mara na hÉireann trí dhíriú ar na cúig phríomhthosaíocht straitéiseacha seo a leanas:

1. Inbhuanaitheacht
2. Scileanna
3. Nuálaíocht
4. Iomaíochas
5. Ceannaireacht

Is gníomhaireacht de chuid na Roinne Talmhaíochta, Bia agus Mara (DAFM) agus de chuid líonra Ranna Rialtais eile, gníomhaireachtaí leathstáit, páirtithe náisiúnta agus idirnáisiúnta mara é BIM.

Tá sé aonad gnó san eagraíocht: Seirbhísí Teicniúla Bia Mara, Seirbhísí um Fhorbairt Scileanna, Seirbhísí Corparáideacha, Seirbhísí Forbartha agus Nuálaíochta, Seirbhísí Eacnamaíochta agus Straitéiseacha agus Cumarsáid Corparáideach. Is i nDún Laoghaire, Co. Bhaile Átha Cliath atá Ceannoifig BIM lonnaithe. Chun tacú leis an earnáil Bia Mara, tá foireann BIM lonnaithe go straitéiseach sna pobail cois cósta a mbíonn siad ag freastal orthu, agus oifigí i nGaillimh agus sna Cealla Beaga san áireamh. Chomh maith leis sin tá dhá choláiste oiliúna BIM lonnaithe sa Chaisleán Nua, Co. Dhún na nGall agus i mBaile Chaisleáin Bhéarra, Co. Chorcaí. Ar deireadh, tá SIH (Mol Nuálaíochta Bia Mara) BIM lonnaithe i gCloch na Coillte, Co. Chorcaí, áit a dtacaíonn sé le nuálaíocht agus le hinbhuanaitheacht i dtionscal bia mara na hÉireann.

Ár Misean

Tacú le luach a mhéadú maidir le hearnáil inbhuanaithe bia mara na hÉireann, ar fud an tslabhra soláthair, ó ghabháil go dtí an tomhaltóir, agus sin a éascú.

Tuairisc ar Ghrúpa Seirbhíse cúí:



Seirbhísí Teicniúla Bia Mara (STS)

Tá aonad gnó STS comhdhéanta de chúig rannóg, Caomhnú Iascaigh, Dobharshaothrú, Inbhuanaitheacht & Deimhniú, Forbairt Réigiúnach an Tuaiscirt agus Forbairt Réigiúnach an Deiscirt. Is ar bhonn réigiúin is mó a bhíonn na foirne bunaithe agus cumhdaíonn siad imeallbhord iomlán na hÉireann. Tá obair na gcúig fhoireann STS chomh héagsúil agus chomh hilchineálach le Bia Mara na hÉireann féin, obair a chumhdaíonn gach ní ó iascaigh ar scála beag, dobharshaothrú iasc eite, sliogéisc agus feamainne, fearais roghnaitheach iascaireachta, an timpeallacht, ábhair phlaisteacha a laghdú, agus éifeachtúlacht phróiseála.

Achoimre ar an Ról:

Rath Chlár Gnó Ghlais Bia Mara BIM a chinntiú, a bunaíodh chun cuidiú le cuideachtaí próiseála bia mara na hÉireann éifeachtúlacht a gcuid bainistithe acmhainní a fheabhsú agus ar an mbealach sin laghdú a chur ar na costais táirgthe atá acu agus feabhas a chur ar a n-acmhainn iomaíochta fad atá siad ag laghdú an lorg atá acu ar an gcomhshaol.

Príomhthascanna:

Tacaíocht a thabhairt don Earnáil Próiseála Bia Mara chun feidhmíocht chomhshaoil agus acmhainn iomaíochta a fheabhsú trí:

- Sheachadadh Chlár Gnó Ghlais Bia Mara BIM a chomhordú.
- Gníomhaíochtaí Chomhairleoirí Comhshaoil/Fuinnimh agus Innealtóirí an chlár a bhainistiú agus a chomhordú.
- Chomhordú a dhéanamh ar sholáthar tacaíochta do phróiseálaithe bia mara chun feidhmíocht chomhshaoil a fheabhsú trí mheasúnachtaí a dhéanamh ar éifeachtúlacht acmhainní (le béim ar phríomhghnéithe comhshaoil amhail fuinneamh, uisce agus dramhaíl).
- Theagmháil a dhéanamh le próiseálaithe bia mara agus tacaíocht a thabhairt dóibh a bheith rannpháirteach i gClár Glas Bhord Bia trí:
 - Chuidiú a thabhairt do phróiseálaithe bia mara agus meantóireacht a dhéanamh orthu le go n-éireoidh leo a gcairt Inbhuanaitheachta a chur ar aghaidh ionas go ndéanfar comhalta deimhnithe de Origin Green díobh.
 - Chomhordú a dhéanamh ar Cheardlanna réigiúnacha a bhaineann le bia mara go sonrach a sheachadadh, i gcomhar le Bord Bia, chun rannpháirtíocht agus teagmháil Origin Green le próiseálaithe bia mara nach comhaltaí deimhnithe go fóill iad a chur chun cinn.
- Thuilleadh a chur le comhoibriú le gníomhaireachtaí stáit eile sa gheilleagar glas, amhail Bord Bia, EPA, IBEC agus SEAI.

Feasacht Glas a Mhúscailt laistigh den Earnáil Bia Mara trí:

- Mhódúil Oiliúna ar Fheasacht Glas a fhorbairt do bhaill foirne agus don bhainistíocht laistigh den earnáil próiseála bia mara agus an oiliúint seo a chur ar fáil don earnáil.



- Acmhainní oiliúna agus treoirleabhair a dheardh agus a fhoilsiú do phróiseálaithe bia.
- Scrúdú a dhéanamh ar mhodheolaíochtaí chun astaíochtaí carbóin a thagann ó phróiseálaithe bia mara a thomhas d'fhonn tagarmharcáil a dhéanamh go leanúnach ar an leibhéal ard inbhuanaitheachta comhshaoil laistigh den earnáil.

Tacaíocht a thabhairt don earnáil próiseála bia mara chun feidhmíocht chomhshaoil a léiriú trí:

- Na gaiscí inbhuanaitheachta a chur in iúl don earnáil agus don phobal i gcoitinne trí:-
 - Phlean Cumarsáide an Chláir Gnó Ghlais Bia Mara a sheachadadh chun aird a tharraingt ar dhul chun cinn próiseálaithe mara in Éirinn ó thaobh inbhuanaitheachta de lena n-áirítear postálacha rialta meán sóisialta a bhaineann le Clár Glas BIM agus cás-staidéir cuideachta foilseacháin.
 - Pháirt a ghlacadh i dtionscadail agus imeachtaí lena mbaineann deis chun aird a tharraingt ar obair na hearnála (cuir i láthair a dhéanamh ag Seimineáir, Ceardlanna, Comhdhálacha).

An Ról maidir le Sábháilteacht Bia:

- Mar bhall d'Fhoireann Sábháilteachta Bia BIM, oiliúint agus meantóireacht a chur ar fáil don earnáil bia mara i dtaobh HACCP agus Sábháilteacht Bia, go háirithe chun ábhar a ullmhú agus a chur i láthair ag Ceardlanna HACCP Bia Mara BIM.
- Comhairle maidir le Sábháilteacht Bia a chur ar fáil do phróiseálaithe bia, le cur i bhfeidhm Córais Bainistithe Sábháilteachta Bia chun stádas rialála faofa a bhaint amach agus trí chuidiú a thabhairt i ndáil le réamh-iniúchtaí do Scéimeanna Deimhniúcháin Dheonaigh Tríú Páirtí amhail BRC agus IFS

Eile:

Dualgais ghaolmhara ar bith eile a d'fhéadfaí a éileamh de réir mar is réasúnach agus a shannadh ó am go ham a chomhlíonadh

Struchtúr Tuairiscithe:

Bainisteoir: Bainisteoir Inbhuanaitheachta & Deimhniúcháin

Stiúrthóir: Seirbhísí Teicniúla Bia Mara

Teagmhálaithe:

Laistigh de BIM

- An fhoireann uile in Aonad Gnó STS
- An fhoireann uile in Aonad Gnó na Seirbhísí um Fhorbairt Scileanna
- Príomhbhaill foirne in D&I BU agus in aonaid Gnó BIM eile
- An Fhoireann Fáiltithe laistigh de BIM



Lasmuigh de BIM

- Oibritheoirí bia mara de réir mar is gá.
- Leasanna an phobail cois farraige mar atá siad faoi réir éileamh Chlár Gnó Ghlais Bia Mara BIM.
- Páirtithe leasmhara agus comhlachtaí seachtracha laistigh den earnáil iascaigh agus dobarshaothraithe.
- Comhlachtaí Rialála seachtracha ábhartha eile.

Oiliúint

- Déanfar riachtanais oiliúna a aithint tríd an gCóras Bainistithe Feidhmiúcháin atá againn.

Oideachas, Cáilíochtaí Gairmiúla nó Teicniúil, Eolas, Scileanna, Inniúlachtaí, Taithí agus Oiliúint

Riachtanach:

- Céim 3^ú leibhéal i ndisciplín teicniúil ábhartha (Eolaíochtaí na Beatha, Eolaíocht Chomhshaoil).
- Taithí trí bliana ar a laghad ag obair i ról den chineál céanna nó taithí ábhartha ag obair laistigh den earnáil iascaigh agus dobarshaothraithe.
- An cumas smaoineamh go straitéiseach chomh maith le cruthaitheacht, díocas, agus tiomantas agus fuinneamh i ndáil le torthaí a bhaint amach a léiriú.
- Scileanna láidre scríofa agus an cumas tuairiscí eolaíochta agus tuairiscí eile a chur i dtoll a chéile agus eagarthóireacht a dhéanamh orthu, le samplaí foilsithe mar fhianaise air seo.
- Scileanna cumarsáide agus idirphearsanta den scoth agus cumas caidrimh láidre le páirtithe leasmhara inmheánacha agus seachtracha a chothú agus a choinneáil.
- Scileanna láidre i dtaobh a bheith ag obair ar fhoireann.
- Láncheadúnas tiomána glan agus carr a bheith ag an iarrthóir.

Inmhianaithe:

- Taithí a bhaineann le cleachtais Sábháilteachta Bia nó le cleachtais HACCP.
- Taithí ar oiliúint a chur ar fáil do pháirtithe leasmhara inmheánacha agus/nó seachtracha.
- Taithí ar chórais bainistithe sábháilteachta bia a chur chun feidhme.

Tuarastal:

Ag grád Príomhoifigeach Feidhmiúcháin a bheidh an luach saothair i gcomhréir le Scála Tuarastail ceadaithe na Roinne Airgeadais don Earnáil Phoiblí, le raon tuarastail €50,848 - €64,038 (amhail an 1 Feabhra 2022) in aghaidh na bliana pro-rata i ndáil leis an am a bheidh oibrithe. Déanfar ball den Scéim Pinsin Seirbhíse Poiblí Aonair díot mura bhfuil tú i do bhall de scéim pinsin earnála poiblí i láthair na huair (nó mura raibh tú i do bhall de scéim pinsin earnála poiblí le sé mhí anuas). Tá Scéim Tuarastail agus Pinsin faoi réir gnásanna faofa earnála poiblí agus glacann cuntas ar sheirbhís le déanaí san earnáil poiblí ag teacht le himlitreacha agus rialacha ábhartha.

Saoire Bhliantúil:



Is é 29 lá oibre in aghaidh na bliana pro-rata chun an t-am a oibríodh a léiriú an teidlíocht saoire bliantúla atá ag gabháil leis an ról seo. Níl Laethanta Saoire Poiblí san áireamh i dteidlíochtaí saoire bliantúla. Ní mór gach lá saoire a bheith ceadaithe roimh ré ag do bhainisteoir nó ag a n-ionadaí údaraithe i gcomhréir le polasaithe saoire BIM.

Fad an Chonartha:

Conradh sainchuspóra, faoi réir feidhmíocht shásúil.

Conas iarratas a dhéanamh:

Ba chóir C.V. iomlán chomh maith le litir iarratais agus a [Foirm Iarratais Folúntais BIM](#) chomhlánaithe ina ndéantar cur síos ar thaithí agus scileanna a bhaineann leis an bpost, a sheoladh ar ríomhphost chuig jobs@bim.ie nó a sheoladh sa phost chuig Rannóg Acmhainní Daonna BIM, 12 Bóthar Crofton, Dún Laoghaire, Co. Bhaile Átha Cliath.

Is é 5 p.m. an 8 Iúil 2022 an dáta deiridh a nglacfar le hiarratais.

Tabhair ar aird go bhféadfadh níos mó ná céim agallaimh amháin a bheith i gceist leis an bpróiseas earcaíochta don ról seo agus go bhféadfadh BIM iarraidh ar na hiarratasóirí a roghnaítear cur i láthair gearr a dhéanamh ar ábhar a bheidh roghnaithe roimh ré ag céim an agallaimh dheiridh. Tabhair ar aird nach nglacfar le hiarratais a bheidh déanach.

Ba cheart aon cheist maidir leis an ról seo a sheoladh ar ríomhphost chuig jobs@bim.ie.

Úsáid Sonraí - Ní bhainfear úsáid as na sonraí pearsanta ná an fhaisnéis go léir a chuirtear ar aghaidh leis an iarratas seo ach chun críche an fheachtais sin agus don fheachtas sin amháin, agus déanfar na sonraí agus an fhaisnéis a scríosadh ansin i gcomhréir le Polasaí an Rialacháin Ghinearálta maidir le Cosaint Sonraí agus an sceideal coinneála sonraí atá againn.

Caithfear le gach faisnéis go huile agus go hiomlán faoi rún agus ní bheidh rochtain ar an bhfaisnéis sin ach ag na daoine sin a bhfuil baint dhíreach acu leis an bhfeachtas.

Is fostóir comhdheiseanna é Bord Iascaigh Mhara